

# ጳውሎስ ቆሮንቶሳ አሳው ጳፌዳ ላኤንሉ ኪታ ገሉዋ

ጳውሎስ ቆሮንቶሳ አሳው ጳፌዳ ላኤንሉ ኪታይ ጳፈቴዳዊ፣ ጳውሎሳው ቆሮንቶሳን ደእያ አማንያ አሳና ደእያ ጋከላይ ዳር መቱዋ ግድ ገል ኡቴዳ ዎድያና። እት እት አማንያ አሳቱ እት እት ቶሽያ ጳውሎሳ ሶላ ዎጤድኖ፤ ግድገነ ጳውሎስ ሰጋተላ መጻፍግ ላሞታይ ባረገው ደእያዎ በሲደ፣ ሄዌ ሀንያ ዎድ ዎልቃማ ናሽቻ ናሽታናግ ዳንዳይያዎ ቆንጭሴ።

ሀ ኪታ ኮይሮ ደመላን ጳውሎስ ቆሮንቶሳን ደእያ አማንያዎንቱና ባረገው ደእያ ጋከተላ ቆንጭሲደ፣ አማንያዎንቱ ግድን ደንዴዳ ቶሽያሰነ ጳልቀላግ። እ ኡንቱንቶ አያው ሞና ዛሩዎ እሜደንቶ ኦዴ። ሄዋናካ ጋሊደ ሀዌ እ ሴራይ ኡንቱንታ ናጋራጉ ሰማዉነ ሰጋተላግ ካለጤዳ ድራግ፣ ሰሰቴዳ ናሽቻ ኡንቱንቶ ቆንጭሴ። ካሊደ ቃይ ይሁዳን ደእያ አማንያዎንታ ማድያዎ ባረንቱዋጉ ጮ እማና ማላ፣ ኡንቱንታ ሀሳይሴ። ወርሰላ ሸምጋቱዎን ጳውሎስ የሱሳጉ ኪተቴዳዎ ግድያዎ ሶላ ሺቄዳ ሞቶ ዛሩዎ ቃላ እሜ። እያው ጎጉ፣ ቆሮንቶሳ አማንያዎንቱ ግድን እት እት አሳቱ ባረንታ ቱሙ የሱስ ኪቴዳዎንታ ከሲደ፣ “ጳውሎስ የሱስ ኪቴዳዎ ግድና፤ እ ዎርዱዎ” ያገደ፣ እ ሞቲኖ።

## ሸምጋቱዎ ኡባቶ እመቴዳ ቃንላ ቆፋቱዎ

- ኡባጉ ሰንላትያ የወዎ 1:1-11
- ጳውሎሳነ ቆሮንቶሳን ደእያ አማንያዎንታ 1:12—7:16
- ይሁዳን ደእያ አማንያዎንቶ እመቴዳ ማዱዎ 8:1—9:15
- ጳውሎስ ባረ ኪተቴዳ ማታው ኤቀታናግ ሺሼዳ ቃላ ማርካ 10:1—13:10
- ወርሰላ ቁትያ 13:11-14

1 ታን ጳውሎስ፣ ጳሳ ሸንያን፣ ክርሰቶስ የሱስ ኪቴዳዊነ ኑ እሻይ ጽሞቶስ ጳሳው ጎይንያ ቆሮንቶሳ ካታማን ደእያ አማንያዎንቶን አካይያን ደእያ ጳሳ ናናቶ ሀ ዱብዳቢያ ጳፌቶ።

2 ጳሳ ኑ አወዋጉን ጎዳ የሱስ ክርሰቶሳጉ፣ አጾ ኬካተላይነ ሳርተላይ ህንተንቶ ግድ።

ጳውሎስ ጸሐፊ ሺሼዳ ጋላታ

3 ጸሐፊ ኑ ጎዳ የሱስ ክርስቶስ አወቀ፡ ማርታላ አወቀን መንግሥቱ ከባ ጸሐፊ ጋላታይ ጋኮ፤

4 ጸሐፊ ኑና ኑ ሁጳወ መንግሥቱ መንግሥቱዳን፡ ዳር ዋይያ ዋየትያዋንታ ኑንካ መንግሥቱዳን፡ ኑ ዋይያ ኡባን እ ኑና መንግሥቱ።

5 እያወ ጎጥ፡ ኑን ክርስቶስ ባጋና ዳር ዋይያ ዋየትያዋዳን፡ ሄዋዳንካ፡ ቃይ ኑና አ ባጋና ዳር መንግሥቱን መንግሥቱ።

6 ኑን ዋየቶጥ፡ ሄዋ ህንተና መንግሥቱ ህንተና አሻናሳ፤ ቃይ ኑን ምነቶጥ፡ ኑን ዳንዳዬዳ ዋይያ ማላ ህንተካ ገንጨደ ዳንዳያና ማላ፡ ጸሐፊ ህንተካውካ ቃይ መንግሥቱን ዳንዳያ እማናሳ።

7 ህንተ ደማና ጊደ፡ ህደታን ናግ ኡቴዳዌ ዳር ምና፤ እያወ ጎጥ፡ ህንተ ኑና ዋየቱዳዋዳን፡ ሄዋዳን መንግሥቱካ ኑናና አካናዋ ኑን ኤሬቶ።

8 ኑ ኑናዳን ጸሐፊ ካልያዋንቶ፡ ኑን ኢስያ ጋድያን ዋየቱዳ ዋይያ ህንተና ሀሳይሳናወ ኮዬቶ፤ ኑ ዋዪ ኑ ዋልቃጥ ዳርና፡ ኑና ዋዪ ጊደ፡ ህርጋና ጋካናወ፡ ኑና ዋጋይ ባይናዋ ዳዴዳ።

9 ኑን ኑ ቦላ ሀይቁዋ ፕርዳይ ፕርድቲዳ ያጊደ ቆፔደ፤ ሸን ሄዋ ሀኔዳዌ ሀይቁዳ አሳ ሀይቁዋጥ ደንሕያ ጸሐፊን ኑን አማካኝናጥ አትን፡ ኑ ሁጳያን አማካኝናዳና።

10 ጸሐፊ ሀዋ ማላ ኢታ ሀይቁዋጥ ኑና አሼዳ፤ እ ኑና አሻና፤ ሰንላጥካ እ ኑና አሻናዋ ጊደ፡ ህደታን ናግ ኡቴዳ።

11 ህንተ ዋሴዳ ዳር ዋሳን ኑወ አንጂ ሰሜዳ ድራወ፡ ዳር አሳይ ኑ ድራወ ጸሐፊ ጋላታና ማላ፡ ህንተካ ቃይ ኑና ዋሳን ማዳና ኮሼ።

ላመቴዳ ጳውሎስ ቆፋ

12 ኑን ጨቀትያዌ ሀዋ፤ ሀ ሳኣን ኑን ደእያ ደኡ፡ ኡባ ቃይ ህንተናና ኑወ ደእያ አትጥታላይ ጸሐፊ አዶ ኬካተላናጥ አትን፡ አሳ አዶዳ ኤራተላና ግደናዋ፡ ቃይ ጸሐፊ እሜዳ ጌሻተላንከ ሱረተላን ኑን ደእያዋ ዋዛና ቆፋይ ኑወ ማርካቴ።

13-14 እያወ ጎጥ፡ ህንተ ናባባናወን አኬካናወ ዳንዳይያዋ ጸላላ ህንተንቶ ጸፍያዋጥ አትን፡ ኑን ሀራባ ህንተንቶ ጸፎኮ። ኑ ጎዳ የሱሳ ጋላስ ኑን ህንተናን ጨቀታናዋዳን፡ ህንተካ ኑናን ጨቀታና ማላ፡ ህንተ ሀእ ወርሰ አኬከና የወዋ ግድን ወርሰ አኬካና ጋደ ቆጋይ።

15 ሄዋ ታን ሎይላ ኤሬዳ ድራወ፡ ህንተ ላኡ ገደ ጎኤታና ማላ፡ ኡባጥ ካሰታደ ህንተኮ ባናወ ቆፋ ቃቻድ።

16 ታን ማቅደንያ ባደ ህንተናና ጋከታናዋነ ቃይ ያፕ ሰማደ ህንተ ማታና ይሁዳ አድሽን፤ ህንተ ታና ማዳናዋ ቆፓ ኡታድ።

17 ሄዋ ድራወ፡ ታን ሄዋ ቆፓደ ታናን እማነትቦይክታ? ታን ታ ቆፋ ቃቶያ ዋደ፤ ሳኣ አሳዳን እት ኩላን፤ “ኤ፡ ኤ” ዋይ፤ “ግደና፡ ግደና” ጋናወ ጊጋ ኡታድታ?

18 ሽን ጸሳይ እማነቴዳዋ ግድያዌ ቱማ ግድያዋዳን፤ ኩን ህንተንቶ ኦድያ ቃላይ “ኤ” ግያዋነ “ግደና” ግያዋ ግደና።

19 አያወ ሳፕ፡ ታን፡ ሰላሰነ ጽሞቶሰ ህንተ ግደን ኦዳዳ ጸሳ ናአይ፤ የሱሰ ክርሰቶሰ “ኤ” ግያዋፕ አትን፤ “ግደና” ግያዋ ግደና። ሽን ጸሳ ባጋና እ ኡባ ዋደካ “ኤ”።

20 አያወ ሳፕ፡ ጸሳይ እማና ጌዳባወ ኡባወ ኤኖ ጌዳዌ ክርሰቶሳ ባጋና ፖለታና፤ ሄዋ ድራወ፡ ኩን ክርሰቶሳ ባጋና ጸሳ ቦንቾ፡ አመንእ \* ጌቶ።

21 ጸሳይ ክርሰቶሳ ባጋና ኩናን ህንተና መንግሥት ኦኬ።

22 ኩን አዋ ግድያዋ ኤርሰያ ማታፋ እ ኩ ቦላ ዋሊደ፡ ባረ ጌሻ አያና ዋሰያዳን፤ ኩ ዋዛና ግደን ዋሌዳ።

23 ቃይ ታን ቆርንቶሳ ቤናን አኔዳዌ ህንተና ቆሄናዳና። ሄዌ ዋርዶ ግደፕ ታና ሙራናወ ታ ሽሞፑዋን ጸሳይ ማርካ።

24 ኩን ህንተና ናሽቻናወ ህንተናና እትፕ አላያዋንታፕ አትን፤ ህንተ አማንያዋን ህንተና ሳደታናወ ኮይያዋንታ ግደኮ፤ አያወ ሳፕ፡ ህንተንቱ ህንተ አማኑሳን ሞኒደ ደአታ።

## 2

1 ታን ላኤንሉዋ ህንተና ካዮየና ማላ፡ ህንተኮ ቤናዳን፤ ታ ቆፋ ቃቻድ።

2 አያወ ሳፕ፡ ታን ህንተና ካዮይያዋ ግደፕ፡ ሀ ታን ካዮዬዳ ህንተ ታና ናሽቻናፕ አትን፤ ኦኔ ታና ናሽቻናዌ?

3 ታን ህንተንቶ ሄ ዳብዳቢያ ጸፌዳዌ፡ ታና ናሽቻናወ በሰያ አሳቱዋን ታን ካዮታናወ ህንተኮ ባናወ ኮያቤናዋሳ፤ ታን ናሽቻያ ዋደ፤ ህንተ ኡባይካ ቃይ ናሽታናዋ ህንተ ኡባን እማነታይ።

4 አያወ ሳፕ፡ ታን ህንተንቶ ዳሮ ዋይያንነ ቱጋን ቃይ ዳሮ አፎላና ጸፌዳዌ፡ ህንተና ካዮያናሳ ግደና፤ ሽን ታን ህንተና ኡባቱዋ አይ ኬና ሲቃይታንቶ ህንተ ኤራናዳና።

### ባይዛንቻወ አቶ ግያዋ

\* 1:20 አመንእ፡ “አመንእ” ግያ ቃላይ ሀዋን “ኤ” ያንትያ ብለላ ኦይቄ።

5 ሽን እት ኡራይ ሀራ ካዮዬዳዎ ግደፕ፡ ታን ኦ የወዎ ዳርሳናዉ ኮይከ፤ እ ህንተና ኡባቱዎ ካዮዬዳፕ ኦትን፡ ታ ጸላላ ካዮይቤና።

6 ህንተፕ ዳርያ ባጋ ኦሳይ ሄ ብታንያ ማላ ኦሳ ሄዎዳን ሙርፕ፡ ሄ ሙራይ እዉ ግዳናዎ።

7 ሄዎ ድራዉ፡ ሄ ብታኒ ሎይል ካዮተና ማላ፡ ህንተ ኦዉ ኦቶ ጋናዉን ኦ መን። ላናዉ በሴ።

8 ሄዎ ድራዉ፡ ህንተ ኦ ምንሲደ ሲቅያዎ እ ኤራና ማላ፡ ታን ህንተና ዎሳይ።

9 ኦያዉ ጎፕ፡ ህንተ ታዉ ኦዛዘታናዉ ኡባ ዎደ ጊገ ኡቴድተንቶን ቃይ ፓጭያ ህንተ ዳንዳይንቶ ኤራናዉ፡ ሄ ዳብዳቢያ ህንተንቶ ጸፋድ።

10 እት ኡራይ ናቄዳዎ ህንተ ኦቶ ግያ ዎደ፡ ታንካ ቃይ ኦቶ ጋይ፤ ታን ኦቶ ጌዳዎ ግደፕ፡ ኦቶ ጌዳዎ ኦያን ክርስቶሳ ሰንላን ህንተ ድራዉ፡ ኦቶ ጋድ።

11 ሴጻናይ ኑኮ ዪደ፡ ኑና ጭመና ማላ፡ ታን ኦቶ ጋድ፤ ኦያዉ ጎፕ፡ ኑን ኦ ቆፋ ኤራቶ።

**ኦራላ ጫቁዎ ኦሳንቻቱዎ ጸኑዎ**

12 ታን ክርስቶሳ ምሽራቹዎ ቃላ ኦዳናዉ ጽርኦዳ ቤዳ ዎደ፡ ጎዳይ ያን ታዉ ፕንግያ ደይ ዎሌዳ።

13 ታን ታ እሻ ቲታ ያን ደማቤና ድራዉ፡ ታዉ ኦያናይ ሸምፕቤና። ሄዎ ድራዉ፡ ያን ደእያ ኦሳ፡ “ሳር ደእተ” ጋደ ማቅደንያ ባድ።

14 ሽን ክርስቶሳ ባጋና ኡባ ዎደ ኑና ጸኖ ካለልያ ጸሳ፡ ቃይ ክርስቶሳ ትምርትያ ኑ ባጋና ሸቱዎዳን፡ ኡባሳ ጋልያዎ ጋላታይ ጋኮ።

15 ኦያዉ ጎፕ፡ ኑን ኦትያ ኦሳ ግዳዎንን ጳይያ ኦሳ ግደን ክርስቶስ ጸሳዉ ያርሽያ ሳዉዎ ቶሽኩ ግያ ሸቱዎ ማላ።

16 ኑን ጳይያዎንቶ ዜእያ ሀይቁዎ፤ ቃይ ኦትያዎንቶ ደኡዎ እምያ ሳዊያ ሸቱዎ፤ ያትና፡ ሄዎ ኦላናዉ ዳንዳይያዌ ኦኑ?

17 ኑን ጸሳ ቃላ ገሎባዳን፡ ዎላኪደ ዛልእያ ሀራ ጮራ ኦሳቱዎ ማላ ግደኮ፤ ሽን ጸሳይ ኑና ኪትና፡ ኦማነቲደ ጸሳ ሰንላን ክርስቶሳ ባጋና ቃላ ኦዴቶ።

**3**

**ጸሳ ኦራላ ጫቁዎ**

1 ኑን ሸረቲደ፣ ኑ ሁጲያ ሳባናው ደሜደዬ? ዋይ ሀራ አሳቱዋዋዳን፣ ሳባ ዲብዲቢያ ህንተንቶ የዳናው ዋይ ህንተጥ አካናው ኮዬቶ?

2 ህንተንቱ ህንተ ሁጲያን አሳይ ኡባይ ኤራናዳንነ ናባባናዳን፣ ኑ ዋዛናን ጸፈት ኡቲዳ ኑ ዲብዲቢያ።

3 ሀ ዲብዲቢያ ክርስቶስ ባረ ሁጲያን ጸፊደ፣ ኑ ቦላ ከቲዳዊ ቱማ፤ ሀ ዲብዲቢ ደኡዋ ጸሳ ጌሻ አያናን አሳ ዋዛናን ጸፈቲዳዋጥ አትን፣ ሹቻ ቦላ ቃላምያን ጸፈትቤና።

4 ኑው ክርስቶሳ ባጋና ጸሳን ሀዋ ማላ አማኑ ደኤ።

5 ኑ ዳንዳያይ ጸሳጥ ይያዋጥ አትን፣ ሀ ኑሱዋ ኑን ኑ ሁጲያን አላናው ዳንዳዬቶ ግያዌ ኑው አያይነ ባዋ።

6 ኑን ኑራላ ጫቆ አላና ማላ፣ ጸሳይ ኑና ዳንዳይሴዳ፤ ሄ ኑራላ ጫቁ ጌሻ አያናዋጥ አትን፣ ጸፈቲዳ ህግያዋ ግደና። ጸፈቲዳ ህጊ ሀይቁዋ አሄ፤ ሸን ጌሻ አያናይ ደኡዋ አሄ።

7 ሹቻ ዋጪደ ጸፊዳ ህጊ እመትያ ዋደ፣ ጸሳ ቦንቹ ቤቲዳ፤ ሙሴ ሶምእያን ደእያ ጳለላይ ጳይያዋ ግደጥካ፣ ሄ ጳለላይ ዳር ዋልቃማ ግድያ ድራው፣ እስራኤልያ አሳይ አ ሶምእያ ትሽ ኦል ጸላናው ዳንዳይቤና። ሀይቁዋ አህያ ህጊ ኦልያ ኑሱ ሀዋ ማላ ቦንቹዋና ይያዋ ግደጥ።

8 ጌሻ አያናይ ኦልያ ኑሱዋ ቦንቹ አይ ኬና ዳራኔ?

9 አያው ጎጥ፣ አሳይ ፕርዳ አክያ ኑሱ ቦንቹ ግደጥ፣ አሳይ ጽልያ ኑሱዋ ቦንቹ ዋኒደ ዳራንዴሻ?

10 አያው ጎጥ፣ ካስ ቦንቹ ሀእ ባረጥ ሎይል አድያ ቦንቹዋ ጋሱዋን ቦንቹዋ ጳይዳዌ ቱማ።

11 አያው ጎጥ፣ ሄ ጳይዳዋን ቦንቹ ደእያዋ ግደጥ፣ መድናው ደእያዋን አይ ኬና ዋልቃማ ቦንቹ ደአንዴሻ?

12 ኑን ህደታን ናግያ ሀዋ ማላባይ ኑው ደእያ ድራው፣ ቆንጭያን ጸሊደ ሃሳዬቶ።

13 እስራኤልያ አሳይ ጳይያ ቦንቹዋ ዉርስላ በኤና ማላ፣ ባረ ሶምእያ ናጸላን ካሜዳ ሙሴ ማላ ግደጥ።

14 ሸን ኡንቱንቱ ዋዛናይ ደንጭሌዳ፤ አያው ጎጥ፣ ኡንቱንቱ ኤጫ ጫቁዋ ናባብያ ዋደ፣ ሀቼ ጋካናውካ፣ ሄ ናጸላይ ኡንቱንቱ ዋዛና ካም ዋፌዳ፤ ኦንነ ክርስቶሳና ጋከትያ ዋደ ጸላላን ሄ ናጸላይ ክቼ።

3:3 ከሳ 24:12፤ ኤር. 31:33፤ ህዝ. 11:19፤ 36:26      3:6 ኤር. 31:31  
3:7 ከሳ 34:29      3:13 ከሳ 34:33

15 ሽን ኡንቲንቲ ሙሴ ማጻፋ ናባብያ ዎደ ኡባን ሀቼ ጋካናወካ፤ ሄ ናጻላይ ኡንቲንቲ ዎዛና ካም ዎሌዳ።

16 ሽን ጸሳ ማጻፋይ፡ “ኡን ጎዳኮ ሰምያ ዎደ፡ ኦወደነ ሄ ናጻላይ ቃረቲ” ያጌ።

17 ጎዳይ ጌሻ ኢያና። ጎዳ ኢያናይ ደእያ ሳን ኢይለተላይ ባዎ።

18 ኑን ኡባይካ ናጻላን ካመትቤና ሶምእያን ጎዳ ቦንቹዎ በኦና \* ቃይ ጌሻ ኢያና ግድያ ጎዳፕ ይያ ሄ ቦንቹ ኑና ባረና ማላትሲደ፡ ቦንቹዎፕ ቦንቹ ላማና።

### 4

#### ጳውሎስ ባረ ኦሱዋን አማነቴዳ አሳ

1 ሰም ጸሳይ ኑወ ሀ ኦሱዋ ባረ ማርተላን ኦላናዳን እሜዳ ድራወ፡ ኑን ሳለቶኮ።

2 ኑን ጌማን አላያ ዬላይያ ኦሱዋ ኡባ አጎይተ፤ ቃይ ገንያ ኦሱዋካ ኦሶኮ፤ ዎይ ጸሳ ቃላ ዎርዲዎና ዋላኮኮ። ሄዎዳንካ፡ ቲሙዎ ቆንጭያን ሃሳዪደ፡ ጸሳ ሰንላን ሱረ ዎዛናወ ኑና ሺሾይተ።

3 ኑን ኦድያ ዎንጋላ ሞሽራቹ ጌሜዳዎ ግድፕካ፡ ጳይያ አሳቲዎ ጸላላወ ጌሜዳ።

4 ሀ ሳኦ ጸሳይ አማነና አሳቲዎ ቆፋ ጆልሴዳ፤ ክርስቶሳ ቦንቹዎ፡ ዎንጋላ ሞሽራቹዎ ፖኡዎ ባረንቶ ፖእያዎ፡ ጸሳ ማላትያዎ ኡንቲንቲ በኤና ማላ፡ ኡንቲንታ ድጌዳ።

5 ኢያወ ጎፕ፡ የሱስ ክርስቶስ ጎዳ ግድያዎን ኦ ድራወ ኑን ኑ ሁጲያን ሀንተንቶ ቆማ ግድያዎ ኦደቶፕ አትን፡ ኑባ ኦደኮ።

6 ኢያወ ጎፕ፡ “ጳማፕ ፖኡ ፖኦና” ጌዳ ጸሳይ ኑ ዎዛናን ባረ ፖኡዎ ፖእሴዳ፤ ቃይ እ ባረ ቦንቹ ኤራተላ ፖኡዎ ክርስቶሳ ሰንላን ፖእያዎ ኑወ እማናወ ፖእሴዳ።

7 ሽን ኡባፕ አድያ ዎልቃይ ጸሳዎፕ አትን፡ ኑሳ ግደናዎ በሳናወ ኑወ ሀ ሞንጃይ ኡርቃፕ መጠጥቴዳ ሚሻ ግዳዳ ኑ ግድን ደኤ።

8 ኑን ኡባ ባጋናካ ኡንኤቴድ፤ ሽን መኤራትብይኮ፤ ቃይ እት እት ዎደ ሰዴቶ፤ ሽን ኑ ኡባናካ አግባይኮ።

9 ኑን የደርስቴድ፤ ሽን ጸሳይ ኑና ኦልቤና፤ ቃይ ኑ ሞርከቲ ኑና ኦል አጌድኖ፤ ሽን ኑን ጳይባይኮ።

3:16 ከሳ 34:34 \* 3:18 ናጻላን ካመትቤና ሶምእያን፡- እት አሳ ደኤዎን ሰንላ ሀናናባይ፡ ካሃ ጋርሳን ጸልቂ ቤትያዎዳን ጉሳ። 4:6 ደመላ 1:3

10 ቃይ የሱሳ ደኡ ኑ አሳተላን ቤታና ማላ፡ ኑን ኡባ ዎደ አ ሀይቁዎ ኑ አሳተላን ቶክ ዩዬቶ።

11 አያው ጎጥ፡ ሀይቁያ ኑ አሳተላ ቦላ የሱሳ ደኡ ቤታና ማላ፡ ፓጻ ደእያ ኑን አ ድራው፡ ኡባ ዎደ ሀይቁቶ።

12 ሄዎ ድራው፡ ሀይቁ ኑ ግደን ኦሴ፤ ሸን ደኡ ቃይ ሀንተ ግደን ኦሴ።

13 ጸሳ ማጻፋይ፡ “ታን አማኔዳ ድራው ሃሳያድ” ያጌ፤ ሄ አማኑዎ አያናይ ኑወካ ደእያ ድራው፡ ኑንካ አማኔቶ፤ ሄዎ ድራው፡ ሃሳዬቶ።

14 ጸሳይ፡ ጎዳ የሱሳ ሀይቁዎጥ ደንሌዳዌ፡ ኑናካ ቃይ የሱሳና ሀይቁዎጥ ደንሊደ፡ ሀንተናና እትጥ ባረ ሰንላ ሺሻናዎ ኤሬቶ።

15 ሀዌ ኡባይ ሀንተ ድራሳ፤ ጸሳ አጾ ኬካተላይ ዳሮ አሳ ጋክያ ዎደ፡ አሳይ ጸሳ ቦንቾ ዳሮ ጋላታ እማና።

**አማኑዎን ደኡሳ**

16 ሄዎ ድራው፡ ኑን ሳለቶኮ፤ ኑወ ሀራይ አቶ፡ ቦላ ባጋ አሳተላይ ዎቁንቶካ፡ ጋርሳ ባጋ አሳተላይ ጋላሳን ጋላሳን ኦራጾ።

17 አያው ጎጥ፡ ሀእወ ዎየትያ ሀ ጉላ ዎዬ፡ ኡባጥ ሎይላ ዳርያ መድና ቦንቹዎ ኑወ ቤትሳና።

18 ኑን ቤተናዎ ጾሌቶጥ አትን፡ ቤትያዎ ጾሌኮ፤ አያው ጎጥ፡ ቤትያባይ ሀእሳ፤ ሸን ቤተናዌ መድናወ ደእያዎ።

**5**

1 አያው ጎጥ፡ ኑን ደእያ ሀ ሳኣ ዱንካኒ ኮለቶጥ፡ ኑወ አሳይ ኬጽቤና ጎሊ፡ ጸሳይ ኬጾዳዌ፡ ሳሉዎን መድናወ ደእያዎ ኑን ኤሬቶ።

2 ኑን ሀ አላምያን ደኢደ ዳሮ ኦሌቶን ሳሉዎን ደእና ኑ ጎልያ ማያናወ ሎይላ አሞቴቶ።

3 ኑን ሄዎ ማዪደ፡ ካሎቶኮ፤

4 ኑን ሀ ሳኣ ዱንካንያን ደኢደ፡ ዴጸቲደ ኦሌቶ፤ አያው ጎጥ፡ ሀይቁያ አሳተላይ ደኡዎን ምተታና ማላ፡ ኑን ማያናወ ኮዬቶጥ አትን፡ ካሎታናወ ኮዮኮ።

5 ኑና ሀዎ ጊግሴዳዌ ጸሳ፤ ቃይ እ ባረ ጌሻ አያና ዎሰ ኦሊደ፡ አሜዳዌ አ።

6 ሄዎ ድራው፡ ኑን ኡባ ዎደ አማኑቲቶ፤ ቃይ ኑን ኑ ጎሊን ሀ አሳተላን ደኡዳ ኬናን፡ ጎዳጥ ሻከቲደ ደእያዎካ ኤሬቶ።

7 አያው ጎጥ፡ ኑን አማኑዎን ደኡቶጥ አትን፡ በእያዎን ደኡኮ።

8 ኑና አማንጤ፤ ቃይ ሀ አሳተፋን ኑ ጎልያ አግ ጎለ ቢደ ጎዳና እትጥ ደእያዌ ኑና ናሽቹ።

9 ሄዋ ድራው፡ ኑን ቃይ አሹዋን ደእና ደእና ጳይና፡ ኑ ቆፋይ አ ናሽቻናሳ።

10 አያው ጎጥ፡ ኑን ሁጲያን ሁጲያን ኑሌዳ ኑሱ ሎአ ግድና፡ ዋይ ኢታ ግድና፡ ኑው በሰያዋ አካናው፡ ክርሰቶሳ ፕርዳ ኑይድያ ሰንፋን ኡባይካ ሺቃናው በሴ።

አሳ ጸሳና ዳቦይያ ኑሱዋ

11 ሄዋ ድራው፡ ኑን ጸሳው ያዩሳይ አየንቶ ኤሪደ፡ ሄዋዳን ቃይ አሳካ አማንጤቶ፤ ጸሳይ ኑና ኡባና ኤሬ፤ ቃይ ህንተካ ህንተ ዋዛና ቆፋን ኑና ኤሪታ ያጋደ ቆጋይ።

12 ቤትያባን ጨቀትያዋንቱጥ አትን፡ ዋዛናን ደእያዋን ጨቀተና አሳቶ ህንተ ኑድ ዛርያባይ ደእና ማላ፡ ህንተ ኑናን ጨቀታናዳን፡ ኑን ህንተንቶ ጋሱዋ ግዳናው ኮይያዋጥ አትን፡ ኑና ጋላታናው ኮዮኮ።

13 ኑን ጎይያዋ ግደጥ፡ ጸሳ ቦንቹዋሳ፤ ዋይ ቃይ ዋዛናና ደእያዋ ግደጥካ፡ ህንተና ጎእናሳ።

14 ክርሰቶሳ ሰቁ ኑና ግዴ፤ አያው ጎጥ፡ እት አሳይ አሳ ኡባው ሀይቁዳዋ ኑን አኬኬዶ፤ ሄዋ ግደጥ አሳይ ኡባይ አናና ሀይቁዳ።

15 ፓጾ ደእያዋንቱ ባረንቱ ድራው ሀይቁዳዋን ቃይ ሀይቁዋጥ ደንዴዳዋ ደእናጥ አትን፡ ሰንፋጥ ባረንቱ ሁጲው ደኤና ማላ፡ አ አሳ ኡባ ድራው ሀይቁዳ።

16 ሄዋ ድራው፡ ኑን ሀዋጥ ሰንፋው ኦናን አሳ ቆፋን ፕርደኮ፤ ሀራይ አቶ፡ ኑን ክርሰቶሳ ካሰ አሳ ቆፋን ፕርዴዳዋ ግደጥካ፡ ሰዎ ሰንፋጥ ሄዋዳን ፕርደኮ።

17 ሄዋ ድራው፡ ኑን ክርሰቶሳና ደኦጥ፡ ኑራፋ ሙታ፤ ጭማይ አዴዳ፤ በእተ፡ ኡባባይካ ኑራዴዳ።

18 ክርሰቶሳ ባጋና ኑና ባረናና ሰገሌዳ ጸሳይ ኡባባካ ኑሌዳ፤ ቃይ አ ኑው ሀራቱዋ ባረናና ሰገሌያ ኑሱዋ እሜዳ።

19 ጸሳይ ክርሰቶሳ ባጋና አሳ ኡባ ባረናና ሰገሌ፤ አሳ ናጋራካ አሳ ቦላ ፓይደና፤ ቃይ አሳ ባረናና ሰገሌያ ከታካ ኑው እሜዳ።

20 ሰዎ ጸሳይ ኑ ባጋና ህንተንቶ ሃሳይያዋዳን፡ ኑንካ ክርሰቶሳ ድራው ሃሳይያ እ ኪቱዳዋንታ፤ ቃይ ኑን ህንተና፡ “ጸሳና ሰገትተ” ጌደ፡ ክርሰቶሳ ድራው ዋሴቶ።

21 ኑን ጸሳ ጽሎተፋ ክርሰቶሳ ባጋና አካና ማላ፡ ናጋራ ኤረና ክርሰቶሳ ኑ ድራው፡ ጸሳይ ናጋራንቻ ኑሌዳ።



# 6

1 ህንተ ኑናና ጸሳ ኦሱዋ ኦሊደ፣ አ አዶ ከካተላ አኪደ ሀነና ኦግያን ጎኤተና ማላ፣ ኑን ህንተና ዎሴቶ።

2 አያው ጎፕ ጸሳይ፡

“ታን እንጀ ዎድያን፡  
ኔን ግያዎ ሰሳድ፤  
ቃይ አቶተላ ጋላሰ፡  
ኔና ማዲድ”

ያጌ። በአተ፡ እንጀ ዎዲ ሀአ። በአተ፡ አቶተላ ጋላሳይ ሀቻ።

3 ኔን ኑ ኦሱዋ ኦነነ ቦራናዎ ኮዮኮ፤ ቃይ አናነ ጳባናዎ ኮዮኮ።

4 ሸን ኡባባን ኑን ጸሳ አሳንቻቱዎ ግድያዎ ኑ ሁጲያን በሴዶ፤ ዳሮ ገነጫን፡ ዋይያን፡ መቱዋን፡ ዎልቃማ ቱጋን፡

5 ልሱዋን ሸጨትያዋን፡ ቃሹዋን፡ ሻቢረቱሳን፡ ዳቡራን፡ ገምእሹዋ ጳይያዋን፡ ጸማን፡

6 ጌሻተላን፡ ኤራተላን፡ ዳንዲያን፡ ከካተላን፡ ጌሻ አያናን፡ ቱሙ ሲቁዋን፡

7 ቱሙዋ ሃሳይያዋን፡ ጸሳ ዎልቃን ኑን ጸሳ አሳንቻቱዎ ግድያዎ ኑ ሁጲያን በሴዶ፤ ቃይ ጽሎተላ ቶራ ኡሸቻ ኩሸያን፡ ጎንዳልያ ሀድርሳ ኩሸያን ኦይቃና።

8 ኑን ቦንቼቲዶነ ቶሸቲዶ፤ ቦረቲዶነ ጋላተቲዶ። ቃይ ቱሙዋ ሃሳዬቶ፤ ሸን አሳይ ኑና ዎርዱዎ ጊደ ቆፔ።

9 ኑን አሳይ ኤረና አሳ ማላ፤ ሸን አሳይ ኡባይ ኑና ኤሬ፤ ኑን ሀይቁዳ አሳ ማላ፤ ሸን ህንተ በአያዎዳንካ ደኤቶ፤ ሙረቲዳ አሳ ማላ፤ ሸን ሀይቁበይኮ።

10 ኑን ካዮትያዋንታ ግደፕካ፡ ኡባ ዎደ ናሸቲቶ። ሀዬሳ ማላቲቶ፤ ሸን ዳሮ አሳ ዱረዬቶ፤ ቃይ አያይነ ባይና አሳ ማላቲቶ፤ ሸን ኡባባይካ ኑዎ።

11 ቆርንቶሳን ደእያ አሳው፡ ኑን ህንተንቶ ቆንጭያን ኦዶዶ፤ ኑ ኡሉዋካ ህንተና በሴዶ፤

12 ኑን ህንተንቶ ጅብበይኮ፤ ጅቤዳዋንቱ ህንተና። ኑን ኑ ኡሉዋ ህንተንቶ ገንጠበይኮ፤ ሸን ህንተ ኡሉዋ ኑው ገንጠዳዋንቱ ህንተና።

13 ሀእ ታን ታ ናናው ሃሳይያዎዳን፡ ህንተንቶ ሃሳያይ፤ ኑን ህንተና ኑ ኡሉዋ በሴዳዎዳን፡ ህንተካ ኑና ህንተ ኡሉዋ አሰ ደዪደ በሰተ።

---

6:2 አሳ. 49:8

እማና አሳና ዙጥና ማላ ሴራ

14 እማና አሳቱዋና ዙጥቲደ፣ ገገና ኦሱዋ አላጥተ። እያዉ ሳጥ፣ ጽሎተላዉን ናጋራዉ እያን ጋከላይ ደኢ? ፖኦነ ጲማዉ እያን እትጥተላይ ደኢ?

15 ክርሰቶሳን ዳብሎሳ \* እትጥ ጋሐያባይ አይ? ቃይ እማንያዋን እማናዌ ኮጵያዌ አይ ደኢ?

16 ጸሳ ጌሻ ጎለዉን ኤቃዉ አይበ ዙጥተላይ ደኢ? እያዉ ሳጥ ጸሳይ፣

“ታን ኡንቱንቱ ግደን ደእናን  
ኡንቱንቱ ግደን ሀመታና።  
ታን ኡንቱንቱ ጸሳ ግደና፤  
ቃይ ኡንቱንቱካ ታ አሳቱዋ ግደና”  
ጌዳዋዳን፣ ኦን ደኡዋ ጸሳ ጌሻ ጎልያ።

17 ሄዋዳንካ፣ ቃይ ጎዳይ፣  
“ኡንቱንቱ ግደጥ ከሰተ፤  
ኡንቱንቱጥ ሻከትተ።  
ቱናባካ ቦቾኘተ።  
ታን ሀንተና ሞካ አካና።

18 ቃይ ታን ሀንተንቶ አዉዋ ግደና፤  
ሀንተካ ታዉ አቱማ ናናቱዋን፣  
ማጫ ናናቱዋ ግደንታ።  
ታን ኡባጥ ዋልቃማ ጎዳይ፣  
ሀዋ ኦዳይ”

ያጌዳ።

# 7

1 ሄዋ ድራዉ፣ ታ ሲቃቶ፣ ጸሳይ ሀ ኡባባ ኦዉ እማና ጌዳዋጥ ሀን ባጋን፣ ኦ አሹዋን ኦ ሸምቱዋ ቱንሰያ ኡባባጥ ኦ ሁጲያ እን ጌሹይተ፤ ቃይ ጸሳዉ ያይያዋን ኡባና ጌዪደ ደኤቶ።

ጳዉሎሳ ናሸቻ

2 ሀንተ ኡሎዋ ኦና በሰተ፤ ኦን ኦናን ናቂበይኮ፤ ኦናን ቆሀበይኮ፤ ቃይ ኦናን ጭምባይኮ።

---

\* 6:15 ዳብሎሳ፡ ግሪክያ ማጻፋይ “በልያር” ጌ። ሄዋ ጉሳይ እብራይሰጵያን “በልያል” ግያዋ። ላኡዋ ብለላይካ “ማካላንቻ” ዋይ “ማደናዋ” ጉሳ። 6:16 ዋጋ 26:12፤ ሀከ. 37:27፤ 1 ቆር. 3:16፤ 6:19 6:17 ኢሳ. 52:11 6:18 2 ሳሜላ 7:14፤ 1 ኦዳዋ 17:13፤ ኢሳ. 43:6፤ ኤር. 31:9

3 ታን ሄዋ ህንተ ቦላ ፕርዳናዉ ጊከ፤ አያዉ ጎፕ፣ ታን ካሰ ህንተንቶ ጌዳዋዳንካ፣ ህንተንቱ ኑ ዎዛናን ደኢታ፤ ኑን ደእናካ ሀይቁናካ፣ እትፕ ደኢቶ።

4 ታን ሃሳይያዋ ህንተፕ ቆስከ፤ ታን ህንተናን ጨቀታይ፤ ኑ ዋይያ ኡባን ታን ሎይላ ሞናይነ ናሽታይ።

5 አያዉ ጎፕ፣ ሀራይ አቶ ኑን ማቅደንያ ቤዳ ዎደ፣ ኡባ ባጋንካ ዋየቴደፕ አትን፣ ሽምፕበይኮ፤ ሀራ አሳና ዋላሳይ ደኤ፤ ኑ ዎዛናንካ ያሻይ ደኤ።

6 ሽን ካዉሼዳዋንታ መንግሥያ ጸሳይ፣ ቲቶ ዩሳን ኑና መንግሥዳ።

7 ኑና ካሰዋፕ አል ናሽቶያዎ፣ ቲቶ ዩሳ ጸላላ ግደና፤ ሽን ህንተ አ መንግሥዳዎ፣ ህንተ ታና በእናዉ አሞቴዳዋን ታዉ ቃረቴዳዋ ቃይ ህንተ ታና ማዳናዉ ጊገቴዳዋ አ ኑዉ ኡዴዳ።

8 አያዉ ጎፕ፣ ታ ዳብዳቢ ህንተና ካዮዬዳዋ ግደፕካ፣ አያዉ ጸፋድታሻ ጊከ፤ አያዉ ጸፋድታሻ ጎፕካ፣ ታ ዳብዳቢ ህንተና ጉላ ዎድያ ካዮዬዳዋ በአይ።

9 ሀእ ታና ናሽቶያዎ ታን ህንተና ካዮዬዳ ድራሳ ግደና፤ ሽን ህንተ ካዩ ህንተና ናጋራፕ ዛሬዳዋ ድራሳ፤ አያዉ ጎፕ፣ ኑን ህንተና አያንነ ቆሃናዳን፣ ጸሳይ ባረ ኮዬዳዋዳን፣ ህንተና ካዮዬዳ።

10 አያዉ ጎፕ፣ ጸሳይ ኮይያ ካዩ ናጋራፕ ዛሬደ አቶተላኮ አሄ፤ ሄዌካ ታን ባይዛድ ጌና ዎዛና፤ ሽን አላምያ ካዩ ሀይቁዋ አሄ።

11 ጸሳይ ሄ ህንተ ካዩዋን አይ አይፍያ እሜደንቶ በእተ። ህንተና አይ ኬና ደንግሥደንቶን ህንተ ጌሻተላ ቱማያናዉ ህንተና አይ ኬና ዛሩዋ እምሴደንቶ፣ አይ ኬና ህንቀሴደንቶን አይ ኬና ታዉ ያሽሴደንቶ፣ አይ ኬና ሴልሴደንቶ፣ አያ ኬና ታና ላሞትሴደንቶን ናቆ ኦሱዋ ኦላዋንታ ሙራናዉ አይ ኬና ጊግሴደንቶ ፓጭ በእተ፤ ህንተ ህንተ ሁጲያን ጌሻ ግዴዳዋ ኡባባንካ ኤርሴድታ።

12 ሄዋ ድራዉ፣ ታን ሄ ዳብዳቢያ ህንተንቶ ጸፌዳዋ ግደፕካ፣ ናቂዳ ኡራ ዎይ ናቀቴዳ ኡራ ድራሳ ግደና፤ ሽን ህንተ ኑዉ ዎይሳ ቆፕንቶን ጸሳ ሰንላን ህንተንቶ ቆንጭሳናዉ ታን ጸፋድ።

13 ኑን ሞኔዳዌ ሄዋ ድራሳ፤ ሄ ኑ ሞናታ ቦላ፣ ቲቶ ናሽቴዳዋ ኑን ኡባፕ ዳርያ ናሽቻ ናሽቴዳ። አያዉ ጎፕ፣ ህንተ ኡባይ አ ሀርጋፕ ሽምፕሴድታ።

14 ታን ህንተዋ ሳባደ አዉ ኦድና፣ ህንተ ታና ዬላይበይክታ፤ ሽን ኑን ህንተንቶ ኡባ ዎደ ቱሙዋ ሃሳዬዳ፤ ሄዋዳንካ፣ ኑን ቲቶ

ሰንሳን ህንተዋ ሳቤዳዌ ቱማ ግዴዳ።

15 ሄዋ ድራው፡ ህንተ ኡባይ አዉ ያዪደ ኮኮሪደ፡ አ ዋት ሞኬድተንቶን ቃይ አዉ አይ ኬና አዛዘቲድተንቶ እ ሀሳይያ ዋደ፡ ህንተና ሎይል ሲቄ።

16 ታን ኡባባን ህንተና አማንያ ድራው ናሽታይ።

# 8

## ጸሓጊ ለሳቲዋ ኬካተላ እሞታ

1 ኑዋዲን ጸሓጊ ለሳቲ፡ ጸሓጊ አጼ ኬካተላይ ማቅዶንያ አማንያዋንቲ ግደን አጼዳዋ ህንተና ኤርሳናዉ ኮዬቶ።

2 ኡንቲንቲ አጼዳ ዋይያን ዋልቃማ ፓጭያ ፓጨቲድኖ፤ ሸን ኡንቲንቲ ህዬሳ ግደፕባ፡ ባረንቲ እሞያዋን ዳር ኬክናን ቃይ ዋልቃማ ናሽቻ ናሽቲኖ።

3 አያዉ ጎፕ፡ ኡንቲንቲ ባረንቲ ዋልቃ ኬና ቃይ ሀራይ አቶ ባረንቲ ዋልቃፕባ ዳርያዋ ደሲደ እሜዳዋ ታን ማርካ።

4 ኡንቲንቲ ጸሓጊ ለሳቲዋ ማድያ ሎኦ ኦሱዋ ኑናና አላናዉ ኑና ዳር ዋሴድኖ።

5 ኡንቲንቲ ኩን ቆፔዳዋፕ አሊደ አሊድኖ፤ ካሰቲደ ኡንቲንቲ ባረንቲ ሁጲያ ጎዳዉ እሜዳዋፕ ጉይያን፡ ጸሓጊ ሸንያዳን፡ ኑዉካ ባረንቲ ሁጲያ እሜድኖ።

6 ሄዋ ድራው፡ ኩን ሀ ሎኦ ኦሱዋ ደሜዳ ቲቶ ጉጅ ኦላናዳንን ህንተና ማዲደ፡ ሄ ኦሱዋ ፖልሳናዳን አ ዋሴድ።

7 ሸን ህንተ ኡባባን፡ አማኑዋን፡ ሃሳያን፡ ኤራተላን፡ ዋልቃማ ሎኦ አሙዋን፡ ኑና ሰቆያዋንካ ዲረቲዳዋዳን፡ ሀ ሎኦ ኦሱዋንካ ህንተንቲ ኬካ ግዳናዋ ኩን ኮዬቶ።

8 ታን ሄዋ አዛዛናዉ ጊከ፤ ሸን ሀራቲዋ ዋልቃማ ሎኦ አሙዋ ባጋና ህንተ ሲቄ አይ ኬና ቱሙንቶ ኤራናዉ ጋይ።

9 አያዉ ጎፕ፡ ህንተ ኑ ጎዳ የሱሰ ክርሰቶሳ አጼ ኬካተላ ኤሪታ፤ ክርሰቶሰ ዲረ ግድ ደኢደ፡ ህንተ እ ህዬሳተላን ዲረታናዳን፡ ህንተ ድራው ህዬሴዳ።

10 ታን ሀ የዉዋ ህንተና ዞርያዌ ሀዋ፤ ዝላይል ህንተ ደሜዳዋ ሀእ ዉርሰያዌ ህንተንቶ ሎኦ፤ ህንተ ኦሶ ጸላላዉ ግደናን፡ ኦላና ቆፋዉካ ካሰቲዳዋንታ።

11 ህንተ ኦላናዉ ሎይል አሞቴዳዌ አሊደ ፖሌዳዋና ጊጋ ግዳና ማላ፡ ህንተንቶ ዳንዳየቲዳዋዳንካ ኦሱዋ ፖለተ።

12 አያዉ ጎፕ፡ እት ኡራይ እማናዉ ሎይል ኮዮፕ፡ እ ባረዉ ደኤዳ ኬና እማናፕ አትን፡ አዉ ባይናዋ አፕ አከና።

13 እያዉ ጎጥ፡ ታን ሀራንቱ ዋይያጥ ሸሞጥና፡ ህንተ ዋየትተ ጊከ፤ ህንተ ኡባይካ ቃራ ደእናዳናጥ አትን።

14 ኡንቱንቱ ፓላሀይ ህንተ ፓጫ ኩንፋና ማላ፡ ህንተንቶ ሀ ዋድያን ደእያ ፓላሀይ ኡንቱንቱ ፓጫ ኩንፋና ኮሼ፤ ላኡካ ሄዋን ቃራን ጎኤቲና።

15 ጸሳ ማጸፋን፡ “ዳርሲደ ሺሼዳዎ ፓላሀቤና፤ ቃይ ጉላ ሺሼዳዎካ ፓጭቤና” ጌተቲደ ጸፈቲዳ።

**ቲታነ አ ላገላ**

16 ሸን ኑን ህንተንቶ ቆጥያዎ ማላ፡ ዎልቃማ ቆፋ ቲታ ቆፍሴዳ ጸሳ ጋላታይ ጋኮ።

17 ቲቶ ህንተኮ ባናዉ ባረ ቆፋ ቃቹዳዌ፡ ባረ ሁጲያን ህንተና ማዳናዉ ዳሮ አሞቲዳ ግሻጥ አትን፡ ኑ ዘርያ ጸላላ እኬዳዎና ግደና።

18 ሞሸራቹዎ ቃላ ኦድያ ባረ ኦሱዋን አማነትያ አማንያዎንቱ ሰንፋ ኡባን ዳሮ ቦንቹቲዳ እሻ ኑን አናና እትጥ ኪቲቶ።

19 ሄዎ ቦላን ቃይ፡ ሀ ኑን ኦልያ ሎኦ ኦሱዋ እ ኑናና እትጥ ኦፋናዉነ ጎዳ ቦንቶ ኑን ሀራቱዎ ማዳናዉ ሎይል አሞትያዎ በሳናዉ አማንያ አሳቱ አ ዶሪደ ሱንጤድና።

20 ኑን ኦልያ ሀ ኬካ እሞታ ድራዉ፡ ኦንነ ኑና ዝግረና ማላ ናገቲቶ።

21 እያዉ ጎጥ፡ ኑን ጎዳ ሰንፋን ሎኦባ ኦፋናዎ ጸላላ ግደና፤ ሸን አሳ ሰንፋንካ ሎኦባ ኦፋናዉ ቆጥቶ።

22 ኑን ዳሮ ገደ ፓጭ በኤዳ ኑ እሻ፡ ኡባ ዎደ ህንተና ማዳናዉ ዳሮ አሞትያዎ፡ ሀ አሳቱዎና ህንተኮ ኪቲቶ፤ ቃይ ሀእ እ ህንተና ዳሮ አማንያ ድራዉ፡ ህንተና ማዳናዉ ካሰዋጥ አሊደ ሎይል አሞቲ።

23 ቲቶዎ ግደጥ፡ እ ህንተና ማዳናዉ ታናና እትጥ ኦልያ ታ ላግያ፤ የኮ እሻቱዎባ ግደጥ፡ ኡንቱንቱ አማንያ አሳቱ ኪቲዳዎንታነ ኡንቱንቱ ደኡ ክርሰቶሳ ቦንቶሰያዎ።

24 ሰሞ አማንያዎንቱ ኡባቱ ህንተ ሲቁ ቱማ ግድያዎ ኤራና ማላ፡ ቃይ ኑን ህንተዎ ሳቢያዌ ልከ ግድያዎ ኤራና ማላ፡ ህንተ ሲቁዎ ኡንቱንታ በሰተ።

**9**

**ፓጫይ ደእያዎንታ ማዲሳ**

1 ይሁዳን ደእያ ጌሻ አሳቱዋ ማዳናው የድያባው ታን ህንተንቶ ጸፋናው ኮሸና።

2 ህንተ ማዳናው ሎይሳ አሞትያዋ ታን ኤርያ ድራው። ማቅዶንያን ደእያ አሳው ህንተዋ ሳባድ። ታን ኡንቱንቶ። “አካይያን ደእያ እሻቱ ዝላይሳፕ ደሚደ። ማዳናው ገቢቱድኖ” ያጋደ ኦዳድ፤ ቃይ ህንተ ዋልቃማ አሙካ ኡንቱንቱፕ ዳርያ ባጋ ደን።

3 ሸን ታን ኡንቱንቶ ጌዳዋዳንካ ኑን ሀ የወዋ ህንተናን ጩቀትያዌ መላ ግደና ማላ። ህንተ ገቢቱዳዋንታ ግዳናዳን። ሀ እሻቱዋ ህንተኮ ኪታይ።

4 ማቅዶንያ አሳቱ ታናና ዪደ። ህንተ ገቢተናን ደእሸን። ህንተና ደሞፕ። ኑ ጸላላ ግደናዳን። ህንተ ኑፕ አፉዋ ዬላታንታ፤ ሸን ኑን ህንተና ሎይሳ አማኒደ ጩቀቱዳዋሳ።

5 ሄዋ ድራው። ታን ሀ እሻቱ ታፕ ሰንፋት ህንተኮ ቢደ። ህንተ እማና ጌዳ እሞታ ካሰቲደ ገግሳና ማላ። ኡንቱንታ ዋሳናው ኮሸያዋ አኬካድ። ሄዋፕ ጉይያን። ሄ እሞታይ ታን ጋክያ ዋደ ገግ ኡታናዋ፤ ሄዌ ቃይ ዋልቃን ህንተ እምያዋ ግደናን። ዶሲደ እምያዋ ኤርሴ።

6 ሀዋ አኬክተ፤ ጉላ ዘረላ ዘርያ ኡራይ ጉላ ካላ ጫካና፤ ዳር ዘረላ ዘርያ ኡራይ ቃይ ዳር ካላ ጫካና።

7 ጸሳይ ናሽቻን እምያ ኡራ ሲቅያ ድራው። ቃረቲደ ዋይ ዶሰናን እምያዋ ግደናን። እምያ ኡራይ ሁጲያን ሁጲያን ባረ ዋዛናን ቆፔዳዋ እሞ።

8 ጸሳይ ህንተንቶ ግድያዌ ኡባ ዋደ ደአናዳንን ቃይ ሀራቶካ ህንተ እማናው ግድያዌ ደአናዳን ህንተና ኮሸያ ኡባባ ህንተንቶ እማናው ዳንዳዬ።

9 ጸሳ ማጸፋይ።

“እ ህዬሳ አሳው ዳርሲደ እሜ፤ ቃይ ኦ ጽሎተላይ መድናው ደአናዋ”

ያጌ።

10 ጸሳይ። ዘርያዋ ዘረላን ማናው ቁማ እምያዌ። ህንተና ኮሸያ ዘረላ ኡባ ህንተንቶ እማና፤ ቃይ ህንተ ጽሎተላፕ ዳር አይፍያ አይፍሳናው ሄ ዘረላ ድቻናዋ።

11 ዳር አሳይ ህንተ እምያ እሞታ ኑፕ አኪደ። ጸሳ ጋላታናዳን። ህንተ ኡባ ዋደ ዳርሲደ እምያዋንታ ግዳና ማላ። ጸሳይ ህንተና ኡባ ባጋና ዱረያና።

12 እያው ጎጥ፡ ሀ ህንተ ኦላያ ኦሱ ጸሳ ናናው ኮሽያዋ ኩንላ እምያዋ ጸላላ ግደና፤ ሸን ጸሳው ዳር ጋላታ እምያዋን ኩሚደ ገኘ።

13 ሀ ህንተ ኦሱ ህንተ አማኑዋ ኤርሰያ ድራው፡ ዳር አሳይ ክርሰቶሳ ዋንጋላ ህንተ አማኒደ ማርካትያዋን ህንተ ማዲዋ ኤንቱንቱናን ሀራ ኡባቱዋና ሻኪደ፡ ዳርሰ እምያዋ ጸሳ ቦንቻና።

14 ኤንቱንቱ ህንተንቶ ጸሳ ዋሲደ፡ ህንተናን ደእያ ጸሳ አቶ ኬካተላይ ዛዋይ ባይናዋ ድራው፡ ህንተና ላሞቱቶ።

15 ዛዋይ ባይና ጸሳ አቶ ኬካተላ ድራው፡ ጸሳ ጋላታይ ጋኩ።

# 10

## ጳውሎስ ሞትያዋንቶ ዛሬዳ ዛሩዋ

1 ታን ጳውሎስ፡ ህንተ፡ “እ ኑናና ደእያ ዋደ አሸከ” ግያዌ፡ ቃይ፡ “ኑጥ ሃክ ደእያ ዋደ ኑ ቦላ ጸሌ” ግያዌ፡ ሎክነ አሸከ ግዴዳ ክርሰቶሳ ባጋና ህንተና ዋሳይ።

2 ኑና ሀ ሳኣ ደያዳን ደእኖ ጊደ ቆጥያ እት እት አሳቱዋ ቦላ ታን ጸላናዋ ኤራይ፤ ሸን ታን ህንተኮ ብያ ዋደ ህንተ ታና ጸልሰና ማላ፡ ህንተና ዋሳይ።

3 እያው ጎጥ፡ ኑን ሀ ሳኣን ደኦጥካ፡ ሀ ሳኣ አሳዳን ኦለቶኮ።

4-5 እያው ጎጥ፡ ኑን ኦለትያ ቶራይ ሀ ሳኣዋ ግደና። ሸን ጌሱዋ ላላናው ዋልቃና ደእያ ጸሳ ቶራ። ኑን አሳ ቆፋ ዳይሴቶ፤ ቃይ ጸሳ ኤራተላ ቦላ ደንዲደ ቆቢያ ኦቶሮ ቆፋ ኡባ ላሌቶ። ሄ ቆፋ ኡባይ ክርሰቶሳው አዛዘታና ማላ ኦሞዴቶ።

6 ህንተ አዛዘትያዋ ፖሌዳዋጥ ጉይያን፡ አዛዘተናን እጽያዋ ኡባ ኑን ሙራናው ገገታና።

7 ህንተ ሰንላን ደእያዋ ዴልተ፤ ኦንነ ባረና ክርሰቶሳዋ ጊደ ቆፖጥ፡ ሄዋ ጉጅ ቆፖ፤ ክርሰቶሳዋ እ ግዴዳዋዳን፡ ኑንካ ቃይ አዋ።

8 እያው ጎጥ፡ ጎዳይ ኑው እሜዳ ኑ አዋተላን ታን ሎይላ ኦቶረትያዋ ግደጥካ፡ ሄዋን ዬላትከ፤ ሄ ኑው እሜዳ አዋተላይ ህንተና ኬጸናሳጥ አትን፡ ኮላናሳ ግደና።

9 ታን ታ ዲብዳቢያን ህንተና ያሸሳናው ጸፎ አሳ ማላታደ ቤታናው ኮይከ።

10 እያው ጎጥ፡ እት እት አሳይ፡ “ጳውሎሳ ዳብዳቢ ዴጸነ ዋልቃማ፤ ሸን ዴልያ ዋደ እ ዳቡራንቻ፤ አ ሃሳይካ ፓና” ያጌ።

11 ሄዋ ማላ አሳይ ኑን ሃኩዋን ደኢደ ጸፍያ ዳብዳቢያንነ ያን ህንተናና ደኢደ ኦልያ ኦሱዋን ዲማተሰ ባይናዋ አኬካና ኮሼ።

12 ኑን ባረና ናሽያ እት እት አሳቱዋና ኑና ፓይዳናዉ ዎይ ልክሳናዉ ኮዮኮ፤ ሽን አንቱንቱ ባረና እቱ እቱዋና ልክሲድነ ቃይ ባረና እቱ እቱዋና ቃራዪደ፣ ኡባና ኤዬድኖ።

13 ሽን ኑን ጸሳይ ኑዉ ኤሴዳ ዛዋ ግደን ጨቀትያዋፕ እትን፣ ሄ ዛዋፕ ፕኒደ ጨቀቶኮ፤ ሄ ዛዋይ ህንተኮካ ጋኬ።

14 ኑን ህንተኮ ጋክቤናዋ ማላቲደ፣ ዛዋ ፕናኮ፤ እያዉ ጎፕ፣ ኑን ክርሰቶሳ ምሽራቹዋ ቃላ ኦዲደ፣ ህንተኮ ካሰ ጋኬደ።

15 ኑን ጸሳይ ኤሴዳ ዛዋ ፕኒደ፣ ሀራ አሳይ ኦልዳ ኦሱዋን ጨቀቶኮ፤ ሽን ህንተ እማኑ ድጭ ድጭ ብያ ዎደ፣ ኑን ህንተ ግደን ኦልያ ኦሱዋ ዛዋይ ካሰዋፕ ሎይሰ እክ እክ ባናዋ ጊደ ቆፔቶ።

16 ኑን ምሽራቹዋ ቃላ ህንተ ደኢያሳፕ ህን ባጋን ኦዳና፤ ቃይ ሀራ ዛዋን ኦስት ድጌዳ ኦሱዋንካ ጨቀቶኮ።

17 ሽን ጸሳ ማጻፋይ፣  
“ጨቀትያ ኡራይ ኦንነ  
ጎዳ ሎኦተላባን ጨቀቶ”

ያጌ።

18 እያዉ ጎፕ፣ ጎዳይ ናሽያ ኡራፕ እትን፣ ባረና ናሽያ ኡራይ ጋላተተና።

# 11

## ጳውሎስን ባረና የሱስ ኪቲዳ ግያ ዎርዳንቻቱዋ

1 ህንተ ታ ኤያተላ ጉላ ዳንዳይንቶ ሎእ። ሀያና ዳንዳይተ።

2 ጸሳይ ቃናትያዋዳን፣ ታንካ ህንተዉ ቃናታይ፤ እያዉ ጎፕ፣ ታን ህንተና እት አቱማዎ፣ ክርሰቶሳዉ እማና ጋይ፣ አቱማዎ ኤረና ጌሻ ዎደራቲዳን ጊግሳ ዎላድ።

3 ሽን ሾሻይ ባረ ማካላን ሄዎኖ ባለጤዳዎዳን፣ ክርሰቶሳዉ ህንተ እሜዳ ህንተ ሱረ ቆፋይ ባይቤናዌ ዎራ ባንዴሻ ጋይ ሀርጋይ።

4 እያዉ ጎፕ፣ እት ኡራይ ዪደ፣ ኑን ህንተንቶ ኦይዳ የሱሳፕ ሀራ የሱሳ ህንተንቶ ኦደፕ፣ ዎይ ህንተ አኬዳ አያናፕነ ዎንጋላፕ ዲማ አያናን ዎንጋላ ህንተ አኮፕ፣ ህንተ ኤኖ ጊደ አኬድታ ጉሳ።

5 የሱስ ኪቲዳ ሀ ዎናቱዋፕ ታን አያንካ ላፍያዋ ታዉ ማላተና።



6 ታን ሃሳይያ ሃሳያን ታማራቤና አሳ ግደጥካ፣ ኤራተላን ግድከ፤ ሸን ኑን ህንተንቶ ሀ የወዋ አሳ ኡባ ግደን ኡባ ባጋና ቆንጭሴድ።

7 ዋይ ታን ህንተና ሚሻ ኦቼናን፣ ጸሳ ሞሽራቹዋ ቃላ ህንተንቶ ጮ ኦዴዳዌን ህንተና ቶቁ ኦላናዉ ታ ሁጲያ ቶቹዳዌ ታዉ ናጋራ ግዳንዴሻ?

8 ታን ህንተንቶ ኦላናዉ ሀራ አማንያ አሳጥ ሚሻ አኬዳዎ፣ ሄዋንታ ቦንቃድ።

9 ቃይ ታን ህንተናና ደእሸን፣ ታና መትና፣ ህንተጥ እት ኡራካ ዋይሳበይከ። አያዉ ጎጥ፣ ማቅደንያጥ ዬዳ እሻቱ ታና ኮሼዳ ኡባባ ታዉ እሜድና፤ ታን ህንተና ዋይሰና ማላ፣ ካሰ ቶኮ ግዳቤናዋዳንካ ሰንላዉካ ቶኮ ግድከ።

10 ክርሰቶሳ ቱማተላይ ታናን ደእሸን፣ ሀ ታ ጩቁ አካይያ ጋድያን ሀቃንነ አተና።

11 ታን ሀዋ አያዉ ጋይታ? ህንተና ሲቀና ድራሴ? ታን ህንተና ሲቅያዋ ጸሳይ ኤራ።

12 ሸን ሄ ባረንቱ ጩቀትያዋን ኑን አልያዋዳን ኦላናዉ ጋሶትያዋንቱ ጋሱዋ ድጋናዉ፣ ሀእ ታን አልያ ኦሱዋ ጉጃደ ኦላና።

13 አያዉ ጎጥ፣ ኡንቱንቱ የሱሰ ኪትቤና ዋርዶ አሳቱዋ፤ ሄዋንቱ ማላ አሳቱ ክርሰቶሰ ኪቱዳዋንታ ማላታናዉ ባረንቱ ማላ ላመረልያ ኪተትቤና ዋርዳንቻቱዋን ላባንቻ ኦሳንቻቱዋ።

14 ሄዌ ማላልሰያዋ ግደና፤ አያዉ ጎጥ፣ ሴጻናይ ባረ ሁጲዉ ፖኡዋ ኪታንቻ ማላታናዉ ባረ ማላ ላሜ።

15 ሄዋ ድራዉ፣ ሴጻና ኦሳንቻቱ ጽሎተላ ኦሳንቻቱዋ ማላታናዉ ባረንቱ ማላ ላሞጥ፣ ሄዌ ዋልቃማባ ግደና፤ ኡንቱንቱ ወርሰላን ባረንቱ ኦሱዋ ማላ አካና።

**ጳውሎሳ ጋኬዳ መቱዋ**

16 ታን ላኤንሉዋካ ጋይ፤ ታና ኦንነ ኤያ ጊደ ቆፖፖ፤ ሸን ህንተ ታና፣ እ ኤያ ጎጥካ፣ ታን ጉላ ጩቀታናዳን፣ ታና ኤያ ጊተ።

17 ታን ሀዋዳን ጻላደ ጩቀታደ ሃሳይያዌ፣ ኤያተላ ሃሳያጥ አትን፣ ታና ጎዳይ አዛዝና ግደና።

18 ዳሮ አሳይ ሀ ሳኣባን ጩቀትያ ድራዉ፣ ታንካ ጩቀታና።

19 ህንተ አጼዳ ኤራንቻ ግድያ ድራዉ፣ ኤያ አሳዋ ናሸቻን ዳንዳዪታ።

20 አያዉ ጎጥ፣ ኦንነ ህንተና አይለዮጥ፣ ዋይ ህንተዋ ሞጥ፣ ዋይ ህንተዋ ቦንቆጥ፣ ህንተ ቦላ ኦቶረቶጥ፣ ዋይ ህንተ ሻይያ ባቆጥ፣ ዳንዳዪታ።

21 ኑን ሄዋ ኦላናው ዳሮ ዳቡራንቻ ግዴዳዋ ታን ዬላታደ ኦዳይ።

ሽን ኦንነ እትባን ጸሊደ ጨቀቶ፣ ታንካ ጨቀታናው ጸላይ፤ ታን ኤያ አሳዳን ሃሳያይ።

22 ኡንቱንቱ እብራዌ? ታንካ እብራዌ። ኡንቱንቱ እስራኤልያ አሴ? ታንካ እስራኤልያ አሳ። ኡንቱንቱ እብራሃመ ዛረ? ታንካ ቃይ እብራሃማ ዛረ።

23 ኡንቱንቱ ክርስቶሳ ቆማቱ? ታንካ ኡንቱንቱ፣ አድያ ቆማ፤ ታን ጎይያ አሳዳን ሃሳያይ፤ ታን ዳሮ ኦላ ዳቡራድ፤ ዳሮ ዋድያ ቃሽታድነ ልሱዋን ሾጩታድ፤ ቃይ ዳሮ ዋድያ ሀይቃደ አታድ።

24 አይሁዳቱ ታና እቸሹ ገደ፣ ሀታማነ ኡዲፑኑዋ ልሱዋን ሾጩድኖ።

25 ሮመ አሳይ ታና ሄዙ ገደ ጸምኣን ሾጩዳ፤ እት ጋላስ ሹቻን ጫድ ጫዲደ አኤዳ፤ ማርካቢ ሄዙ ገደ መእና፣ አባ ግድን እት ቃማን እት ጋላሳ አቃደ ፔሻድ።

26 ታን ዳሮ ኦግያ ሀመታድ፤ ታና ኩንሉ ሃላይነ ቦንቃንቻቱ ቦንቂ ድጊደ አሼዳ፤ ቃይ ታ ቢታ አሳይነ አይሁዳ ግደና አሳይ ቦንቂ ድጊደ አሼድኖ። ቃይካ ካታማይ፣ ባዙ፣ አባይ፣ ታና ያሽሴዳ፤ ዋርዲዋ ዳባቱካ ታና ቦንቂ ድጊደ አሼድኖ።

27 ታን ዳቡራድነ መቶታድ። ዳሮ ገደ ገምእሹዋ ጳያድ፤ ኮሻታድ፤ ሳመታድ። ዳሮ ገደ ጸማድ፤ ቃይ ማገታድነ ካሎታድ።

28 ሀራባ ኡባፕካ ኡባ ጋላስ ታው ቶኩዋ ግዴዳባይ፣ ዋሳ ጎልያ ኡባው ሀርግያዋ።

29 ዳቡርያዌ ኦኔ? ታን ዳቡርክታዬ? ናጋራን ገልያዌ ኦኔ? ታን ኡንኤታደ አው ቃረትክታዬ?

30 ታን ጨቀታናው ኮሽያዋ ግደ፣ ታን ዳቡራንቻ ግድያዋ ኤርሰያዋን ጨቀታና።

31 መድናው እንጀቱዳ ጸሳይ፣ ኑ ጎዳ የሱስ ክርስቶሳ አው፣ ታን ዋርዲተናዋ ኤሬ።

32 ዳማስቆ ካታማን አረታሳ ግያ ካትያ፣ ጋርሳና ጋድያ ሞድያዌ፣ ታና ኦይላናው ዳማስቆ ካታማ ናግሴ።

33 ሽን ካታማ ግምቢያ ድርሳ ማስኮትናና ታና ቁንኣን ዱገ ዋላና፣ አፕ ከሳ አካድ።

# 12

## ጳውሎስ ሳፃ

1 ጩቀትያዊ ታወ አይነ ጎኤናዎ ግደጥካ፣ ታን ጩቀታናወ በሴ። ሸን ታን ሳጸባነ ጎዳጥ ቆንጩዳዎ ሃሳያና።

2 ታማነ ኦይዱ ላይላጥ ካሰ፣ ሄዘንሉ ሳሉዎ ፑደ ቤዳ እት ብታንያ፣ ክርስቶሳ እማንያዎ፣ ታን ኤራይ፤ ሄ ብታኒ ባረ አሳተላን ቤዳ ዎይ ሳጸን ቤደንቶ፣ ታን ኤርከ፤ ጳሳይ ኤሬ።

3 ሄ ብታንያ፣ ሄዘንሉ ሳሉዎ ፑደ ቤዳዎ፣ ኤራይ፤ እ ባረ አሳተላን ቤደንቶነ ዎይ ሳጸን ቤደንቶ፣ ታን ኤርከ፤ ጳሳይ ኤሬ።

4 ሄዎን ሄ ብታኒ አሳይ ሃሳያናወ ዳንዳየናዎ፣ አሳ እንጸርሳይካ ሃሳያናወ ዳንዳየናዎ ሰሴዳ።

5 ታን ሄ ብታንያባን ጩቀታና፤ ሸን ታን ዳቡራንቻ ግድያዎ ኤርሰያ ድራወ፣ ታ ሁጲያን ጩቀትከ።

6 ታን ጩቀታናወ ኮይያዎ ግደጥካ ኤያ ግድከ፤ አያወ ጎጥ፣ ታን ቱሙዎ ሃሳይ። ሸን አሳይ ታዎ ታናን በእያዎጥነ ታጥ ሰሰያዎጥ አሊደ ቆጥና ማላ ናገታይ።

7 ቃይ ጳሳይ ታወ ዳሮ ቆንጩዳ ዎልቃማ የወዎጥ ደንዴዳዎን ኦቶረተናዳን ድጋናወ ታና ጫድ ኦይቂያ፣ ሴጸና ኪታንቻይ፣ ታና መቶላናወን ታን ኦቶረተና ማላ፣ ታና ናጋናወ ታወ እመቴዳ።

8 ሄዎ ታጥ ሻካና ማላ፣ ታን ጎዳ ሄዙ ገደ ዎሳድ።

9 ጎዳይ ታና፣ “ታ አጶ ኬካተላይ ነወ ግዳናዎ፤ አያወ ጎጥ፣ ታ ዎልቃይ ነ ዳቡራን ፖለቴ” ያጌዳ፤ ሄዎ ድራወ፣ ክርስቶሳ ዎልቃይ ታናን ደአና ማላ፣ ታ ዳቡራን ጩቀታናወ ታን ዳሮ ናሽታይ።

10 ታን ክርስቶሳ ድራወ ዳቡርያዎን፣ አሳን ቦረትያዎን፣ ዎየትያዎን፣ የደርስትያዎን፣ መቶትያዎን ናሽታይ፤ አያወ ጎጥ፣ ታን ዳቡርያ ዎደ፣ ሄ ዎደ ምናይ።

## ጳውሎስ ቆርንቶሳ አሳወ ኡንኤቲደ ቆፔዳ

11 ታን ጩቀቴዳዎን ኤያድ፤ ሸን ሄዎ ሀንተ ታና ዎልቃን ኦሰሴድታ፤ አያወ ጎጥ፣ ሀንተ ታና ጋላታናወ በሴ፤ ታን አያንነ ኤረተናን ጳዮጥካ፣ የሱሰ ኪቴዳ ጶቃ ጌተቴዳ ኡባቱዎጥ ላፍከ።

12 ታና የሱሰ ኪቴዳዎ ቱማ ግድያዎ ኤርሰያ ማላይ፣ ኦራላባይነ ዎልቃማ ኦሱ ሀንተ ግደን ዳሮ ገንጫን ኦሰቴዳ።

13 ታን ታ ሁጲያን ሀንተና ዎይሳቤናዎጥ እትን፣ ሀራ እማንያ አሳቱዎጥ ሀንተ እያን ላፊቴ? ሀያና ታን ሀንተና ናቄዳዎ ታወ አቶ ጌተ።

14 ታን ህንተኮ ባናዉ ጊሳደፕ፡ ሀዌ ታዉ ሄዘንሉ ዋደ፤ ታን ህንተና ዋይሰከ። ታን ህንተና ኮይያዋፕ አትን፡ ህንተ ሚሻ ኮይከ፤ እያዉ ጎፕ፡ እዉነ አታ ባረንቱ ናናዉ ሚሻ ምንጅያዋፕ አትን፡ ናናይ ባረንቱ አዋነ አትዉ ምንጅክና።

15 ታን ህንተ ሸሞፖ ታዉ ደእያዋ ታናና ጋላደ ናሸቻን እማና፤ ያትና፡ ታን ህንተና ሎይላ ሰቅያ ድራዉ፡ ህንተ ታና ላፋ ሰቁቱ?

16 ግደፕካ፡ ታን ህንተና ዋይሳበይከ፤ ሸን ህንተ ታና፡ “ኔን ኑና ጭማደ ማካላን ኑይቃዳ” ያጋንታ።

17 ታን ሀራይ አቶ፡ ህንተኮ ኪቴዳ እት አሳ ባጋናካ ህንተፕ ጎኤታድታ?

18 ቲቶ ህንተኮ ባና ማላ፡ ታን ዋሳድ፤ ቃይ አማንያ እሻካ አናና ዩዳድ። ቲቶ ህንተፕ ጎኤቴዳ? ኑን ኑ ኑሱዋ እት ቆፋን አልበይኮ? ቃይ ኑ ሀኑካ እቱዋ ግደኔዬ?

19 ኑን ኡባ ዋደካ ህንተ ሰንላን ኑ ሁጳዉ ሞተትያዋ ህንተንቶ ማላቲ? ኑን ክርሰቶሳን ደእያዋንቱዳን፡ ጸሳ ሰንላን ሀእ ጋካናሰካ ሃሳዬቶ። ኑ ሲቃቶ፡ ኑን አልያ ኡባባይካ ህንተና ማዳናሳ።

20 እያዉ ጎፕ፡ ታን ህንተኮ ብያ ዋደ፡ ኑን ኤር ታን ኮይያዋ ማላ ህንተ ግደናን አጋነንቶነ፤ ቃይ ታንካ ህንተ ኮይያዋ ማላ ግደናን አጋነንቶነ። ቃይ ኑን ኤር ሄዋን ፓሉሚ፡ ቃናቲ፡ ሀንቁ፡ ዮራይ፡ ዠግርሳይ፡ ሳሮተላ ድጉሳይ፡ ኑቶሩ፡ መቱ ደኤናን ዋዩ አጋና፤ ታና ያሼ።

21 ታን ህንተኮ ላኤንሉዋ ብያ ዋደ፡ ታ ጸሳይ ህንተ ሰንላን ታና ካዉሻነንቶነ ያያይ፤ ታን ናጋራ ካሰ አሊደ፡ ባረንቱ አሌዳ ቱናተላፕ፡ ዋሹምያዋፕን እሙዋፕ ሰምቤና ዳሮ አሳቶ ዬከናን አግከ ጋደ ያያይ።

# 13

## ዉርሰላ ዞርያን ሳሮታ

1 ሀዌ ታዉ ህንተኮ ዩሳይ ሄዘንሉ ዋደ። አይ ሞቱካ ላኡ ዋይ ሄዙ ማርካይ ማርካትና ፕርደታናዉ ኮሼ።

2 ታን ላኤንሉዋ ህንተናና ጋከቴዳ ዋደ፡ ህንተና ናገትተ ጋድ፤ ሀእካ ሃኩዋን ደአፕካ፡ ህንተና ናገትተ ጋይ። ታን ቃይካ ህንተኮ ብያ ዋደ፡ ናጋራ ካሰ አሌዳዋንታካ ቃይ ሀራቱዋ ኡባቱዋካ ሙረናን አግከ።

3 አያው ጎጥ፡ ክርስቶስ ታ ባጋና ሃሳይያዋ ኤርሰያዋ ህንተ ኮዪታ። እ ህንተናና ሃሳይያ ዎደ አ ዎልቃጥ አትን ቤትያዌ አ ዲቡራ ግደና።

4 አያው ጎጥ፡ ክርስቶስ ማስቃልያ ቦላ ምስማርያን ፎሽቲደ፡ ዲቡራን ካቀቲዳ፤ ሸን ጸሳ ዎልቃን ፓጸ ደኤ። አያው ጎጥ፡ እ ዲቡራንቻ ግዴዳዎዳን፡ ኩካ ዲቡራንቻ፤ ሸን ህንተናና ሃሳይያዎን ኩን ጸሳ ዎልቃን እናና ደአና።

5 አማኑዋን ህንተ ምን ደእንቶ እነ ህንተና ፓጭተ፤ ህንተና ብድተ። ክርስቶስ ህንተናን ደአያዋ ህንተ ኤርክቲ? ሄዌ ጳዮጥ ፓጭያን ኩንዲድታ ጉሳ።

6 ኩን ፓጭያን ኩንድቤናዋ ህንተ ኤርያዋ አማናይ።

7 ህንተ ኢታባ ሙለካ ኦፊና ማላ፡ ኩን ጸሳ ዎሴቶ። ኩን ፓጭያ ዳንዲይያዎንታ ግዲደ ቤታናሳ ግደና፤ ሸን ኩን ፓጭያ ዳንዳየናዎንታ ማላቲደ ቤቶጥካ፡ ሎኦባ ህንተ ኦላናሳ።

8 አያው ጎጥ፡ ኩን ቱሙዋ ጸላላዉ ኦላናጥ አትን፡ ቱሙዋጥ ሀራ አይነ ኦላናዉ ዳንዳዮኮ፤

9 ኩን ዲቡራንቻ ሸን ህንተ ዎልቃማ ግደደ ናሸቲቶ። ህንተ ፖሎ ግዳና ማላ ኩን ጸሳ ዎሴቶ።

10 ታን ህንተጥ ሃኩዋን ደአደ ጸፌዳዌ ሄዋ ድራሳ፤ ታን ህንተኮ ብያ ዎደ፡ ጎዳይ ታዉ አሜዳ ማታን ዘምፓደ፡ ህንተና ሙቶላናዉ ታና ዎዪ ኮሻና። ሄ ማታይ ታን ህንተና ኬጻናዉ ታዉ አመቲዳዋጥ አትን፡ ህንተና ኮላናዉ አመትቤና።

11 ዉርሰላን ታናዳን ጸሳ ካልያዎንቶ፡ ሳሮ ደአተ፤ ባል ባይናን ደአተ፤ ታ ዘርያ ሰሰተ፤ እት ዎዛና ግዲደ ደአተ፤ ሳሮተላን ደአተ። ሲቁዋነ ሳሮተላ ጸሳይ፡ ህንተናና እትጥ ደአና።

12 እቱ እቱዋና ጌሻ የረታ የረቲደ ሳሮተትተ።

13 ጸሳ አሳ ኡባቱ ህንተና ሳሮ ሳሮ ጊኖ።

14 ጎዳ የሱስ ክርስቶሳ አቶ ኬካተላይ፡ ጸሳ ሲቁ፡ ጌሻ አያና እትጥተላይ ህንተናና ኡባና ግደ። አመንእ።

## ጌሻ ማጻፋ

### **The Holy Bible in the Dawro language of Ethiopia**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### **The New Testament**

in Dawro

### **© 2011-2024, Wycliffe Bible Translators, Inc. and The Word for the World International**

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

---

PDF generated using Haiola and XeLaTeX on 2 May 2025 from source files dated 1 May 2025

585b63ca-b8e6-55c8-bfef-10bdc95ad69c